

## Ichachan 50

1. Set'ani hin ke ilop Yesusi kiyang?

-Ga bboydiya Set'ani hin ke Yesusi deshi geskino.

2. Set'ani hin ke Yesusi deshi geskini kiyang?

-Ga bboydiya Yesusi ibaysi zo na Set'ani hinongo.

3. Yesusi tach bena ke gala na uwado ko?

-E. Yesusi ga Tuma na uwa a muuk.

4. Yesusi sene an kon k'en gala de achuwon tuntok. A katang?

-Ga eli de Tumon yebben.

5. Poso am sheshek kiyene muy Yesusi bena ke gala tach'ong kiyang?

-Ga bboydiya Tuma Shubbune ane kelesengo.

-Yesusi shik Set'ani na hinong.

-Yesusi shik Tuma Shubbune so.

6. Eli de Tumon de i mas'api ge de Tumono teeko, Set'ani gaydo ko?

-Set'ani gaydo.

7. Set'ani dda eli de Tumon na deshi katang?

-Set'ani dda eli de Tumon na bbot ki bbich.

8. Set'ani ach Yesusi komorsete bawun muuk na uwa niye?

-Ga bboydiya Adami shik Set'ani na Set'ani oguwa ke komorute Adami o de bawun muuko.

9. Yesusi k'en orte Set'ani tuntok niye?

-Eli ge de Tumono.

10. Yesusi bbot eli de Tumon bbich ko?

-Iyong.

-Yesusi eli eli de Tumon bidede i mas'api ge de Tumon teeko matana.

11. De k'en tuntoko, a Set'ani ko a Yesusi?

-Ga Yesusi.

12. Yesusi k'en orte Set'ani tuntok kiyang?

-Ga bboydiya Yesusi ga Tuma.

-Ga bboydiya ke lele Yesusi k'ek Lusiperi ke iskache sheiyo.

13. Orte Set'ani o nyerata gene muuk, Yesusi mala deshi katang?

-Ongon ede tumu de gowon teek.

-Ungoch konang bizingit Herodosi ch'ip Yohanisi de t'obine.

-Balgede Herodosi ch'ip Yohanisio, Yesusi konese ichachan dene.

Gezeri Mark'osi 1:14

14-Yohanisi ch'ebiye keso de ch'ebuno boyo, Yesusi kun ba de Galila na ichachan penu de Tumono sheo.

-Yesusi konese ichachan dene minen?  
-Ch'ebeno de Yohanisi de t'obine tolo.

-Yesusi balgede konese ichachano berguwan gene a se'en?  
-Berguwan ga jar sizi.

-Yesusi ichachan zuk te Ayhudi penu de Tumono sheo.  
-Penu de Tumono sheo a katang?

-Ga de geskin de zowon hin reseto kiyene muy Tuma iso Mende Ibaysine de ibaysiyecho.

-Mende Ibaysine de Tuma isowo anen?  
-Ga Yesusi.

-De ayay de Yesusi ichachano a katang?

Gezeri Mark'osi 1:15

15-Yesusi sene: "Bergu bbonaboy na bizingsete Tumono ga diya. I jiyako na tach'it gortegu na yebbit penu diya sheo Tumono."

-Yesusi sene: "Bergu bbonaboy na bizingsete Tumon i jiyak" na i niye?

-Yesusi eli hene:

-Ga bboydiya ungoche Mende Ibaysine woch'iyaboy na bizingsete Tumon hin ke k'en bizingsete Set'ani tuntoki.

-Yesusi mu ichachan zo na zo keyebbitka eli de Tumono.

-Tuma arshiyagech nyebba ge de andu konang so. A katang?  
-Ga eli de Tumon yebben so.

-Yesusi konese ichachan dene na zeri zo ke eringnes neni.

Gezeri Mark'osi 1:16-20

16-Balge dongo Yesusi koy yongo tumu de Galila gasoko. Or Simoni o gotine Indriyasi ge er gibduwo tumuyo. Ede ga zo ge olisi k'ajuwa.

17-Yesusi zeri ede na sene: "Wuda na ddaydano anyi. Edu bide diya olisiyo k'ajuwa. Miroge kindiyong na olisiyo zo."

18-Ede ch'uwa oyse gibduwo gege bak shaw guru na ddoy nen zel.

19-Yesusi alang hene giri guruwo. Or Yayk'obi woch'o de Zabdiyosi o gotine Yohanisi. Ede al gonggulo na ishahak gibduwo gege.

20-Yesusi zeri ede yongo shaw guruwo. Ede oyse shubbune Zabdiyosi o zo ge deshine yongo gonggulo bak na ddoy nen zel.

-Yesusi zeri zo ge eringes neno kiyang?

-Ga bboydiya Yesusi hin ke ede shik ichachan dene na mirege ichachan zo ge ayay eli de Tumono.

-Zo ge Yesusi zeriyo, desha dege a katang?

-Ga zo ge olisi k'ajuwa.

-Ungoch konang Yesusi oguwa katama de zo zeri ke K'ipirnahomi teek.

#### Gezeri Mark'osi 1:21

21-Ede ch'uwa hay katama de K'ipirnahomi. Ungoche wonguno kuno. Yesusi ddul kese zuk te Ayhudi murdinene teek na konese zo ichachan.

-Yesusi woch'i katama de K'ipirnahomiyo, oguwa kese zuk te Ayhudi murdinene.

-Keso de zuk te Ayhudi murdinene teek, zo deshi katang?

-Ede zeri penu de Museo na ichachan zo.

-Zo ge shik ichachan de Yesusiyo tasi katang?

#### Gezeri Mark'osi 1:22

22-Zo sosoyne maddak nyebba ge de ichachanu deneyo. Ga bboydiya Yesusi ichachan zo komajo na ke zo

ge ichachan penu de Museyo iyongo.

-Nyebba ge de ichachan de Yesusiyo, zo sosoyne kiyang?

-Ga bboydiya Yesusi ichachan komajo o ch'arashedo de Tumono.

-Zo ge ichachan penu de Museyo anena?

-Ga zuk te Perisawi.

-Ichachan de Yesusi o ichachan de zuk te Perisawi al bbich bbich niye?

-Yesusi ga Tuma na na gay Tuma Shubbune sheshek.

-Zuk te Perisawi Tuma gayong.

-Yesusi ga Tuma na gay eli de Tumon sheshek.

-Zuk te Perisawi eli de Tumon gayong.

-Yesusi ga Tuma na yep eli de Tumon sheshek.

-Zuk te Perisawi eli de Tumon yepong.

-Balgede Yesusi ichachan zowo, mende nyere kon sho'o kuto.

#### Gezeri Mark'osi 1:23-24

23-Balge dongo yongo keso de zo murdinene teek, mende nyerey sho'o kon kut na sene:

24-“Yesusi de Naziretiye. Ande ba hini ortegayo a katang? Ba kuni ke poseji? Inyu ay neni? Kagayendo. Inyu ay de Tumon de Tuma isaneno.”

-Ke lele kingi nyerata sabo sabo anena?

-Ga iska ge Tumon ge sheida kiyene muy ede ddoiy Set’ani na hatuwa ke gesida.

-Nyerata remes orte zo ge Tuma yepongo na yeldo.

-Men diya de kuto, nyere konang remes ortene teek.

-De ichachan zo eli de Tumono ga Yesusi na nyere dongo gaydo ko?

-Gaydo.

-Yesusi ga Tuma na nyereta muuk gaydo ko?

-Gaydo.

-Yesusi ga shei pos na ga kejine na mar geskin sheshek na nyereta muuk gaydo ko?

-Gaydo.

-Komache Yesus k’en komache nyeretun tuntok na nyereta muuk gaydo ko?

-Gaydo.

-Nyereta muuk ri’inse Yesusi sheshek kiyang?

-Ga bboydiya ede gay ke Yesusi ongon ede muuk tumu de gowon teek na uwa.

-Nyere dongo mu gay ke Yesusi ongon nen shaw tumu de gowon teek na uwa.

-Nyere kut na Yesusi ye’ese niye?

Gezeri Mark’osi 1:25-26

25-Yesusi gosh nyere na eli maddak na sene: “I kuchu kuchu na ok yongo lejok.”

26-Nyere hake me ba na ugugun yecha bbiyo na kut maddak na oyse me na oguwa.

-Yesusi ach nyere penu na sene: “I kuchu kuchu na ok yongo lejok.”

-Nyere shik Yesusi ko?

-Shiyaboy.

-Nyere shik Yesusi kiyang?

-Ga bboydiya Yesusi ga Tuma.

-Ga bboydiya komache Yesusi k’en komache nyereta muuk tuntoko.

-Yesusi a is nyerey liyoko zo tasi niye?

## Gezeri Mark'osi 1:27-28

27-Zo muuk ch'uwa sosoyne maddak na engedine ejugo giri giri na sene: "An diya ba atang? Ichachan diya komajuno zo katagitongo ba kun yide? Nen ach nyerata penu na nyerata gongo shik neno."

28-Yongo shaw guru nyebba de deshaw de Yesusiyo, zuk te baw de Galila muuk shiktaboy.

-Zo sosoyne sheshek bboydiya Yesusi ibaysi men dongo nyereyo liyoko.

-Zo sosoy sheshek bboydiya nyere shik Yesusiyo.

-Ungochongo pach, i niye?

## Gezeri Mark'osi 1:32-34

32-Susa ddulo keso wadako, zo wune orte Yesusi zo ge ila'aso o ge nyereta sho'o muuk.

33-Katama muuk wun na murdine bero wado.

34-Yesusi ibaysi zo ge mero ila'as ila'ajo de ayay ayayo na nyerata ge mero mu push kat liyok. Yesusi ay a nen bboydiya nyerata gayo, kane ede eli na ke eliga.

-Ungochongo pach, zo wune Yesusi zo ge ila'aso o zo ge nyerata sho'o na Yesusi ibaysi ede muuk.

-Ga bboydiya Yesusi ga Tuma.

-Ga bboydiya Yesusi uwa a muuko.

-Yesusi ibaysi zo ge ila'aso kiyang?

-Ga bboydiya Yesusi yel ede shesheko.

-Ga bboydiya zo ila'aso, Yesusi kengo dene ruyo.

-Ke lele Yesusi k'ek ba muuk ke shei so na ila'ech konang mu unto.

-Kiyene muy Adami o Hewani deshi geskin na ila'ajana ddul orte zowon muk.

-Yesusi hin ke ibaysi ila'ajana ge ngun geskinoy.

-Yesusi ibaysi zo ge nyerata sho'o kiyang?

-Ga bboydiya Yesusi yel ede shesheko.

-Ga bboydiya nyerata shok zowo, Yesusi kengo dene ruyo.

-Ke lele Yesusi k'ek ba muuk ke shei so na nyere konang mu unto.

-Kiyene muy Adami o Hewani deshi geskin na zo hatuwa ke weya ge Set'ani o weya ge nyeratun.

-Yesusi hin ke ibaysi zo muuk gensesedo de Set'ani o de nyeratun liyoki.

-Na zo Tuma yepongi, Yesusi kengo dene ruy sheshek.

-Ungoch konang mende mujuso kun orte Yesusi.

Gezeri Mark'osi 1:40

40-Mende mujuso kon kun ortene na kone k'oma ba na o'ol na sene: "Inyu o hini, ibaysiyan na uwando."

-Mujushet a katang?

-Ga ilaeche gesi.

-Balgede Yesusi i ba ge teeko, zibute ibaysi mujushet unto.

-Zibute ibaysi mende mujusho unto.

-Mende mujusho ibaysi saptene enene na uwado ko?

-Uwang.

-Zibut unto.

-Mende ayay ibaysi mende mujusho na uwado ko?

-Uwang.

-Zibut unto.

-Hakumu ibaysi mende mujusho na uwado ko?

-Uwang.

-Zibut unto.

-Mende mujusho kun orte Yesusi kiyang?

-Ga bboydiya nen gay ke Yesusi so ibaysi na uwa.

-Yesusi ibaysiya mende mujusho boy ko?

Gezeri Mark'osi 1:41-42

41-Yesusi wanesese na alayese sit na bbobbon na sene: "Kihinido na bayaboy."

42-Mujushet ch'uwa koy liyok shaw guru na me bayaboy.

-Yesusi dari mende mujusho na sene "Bayaboy" na mujushet uguwa liyok.

-Tuma Yesusi so uwa ke ibaysi mende mujushoy.

-Geskin de zowon iach mujushet niye?

-Yene ke mende mujusho ibaysi saptene mujushedo liyok na uwango, zo ibaysi saptete geskino liyok na uwang.

-Yene ke mende ayay ibaysi mende mujusho na uwango, mende ayay ibaysi zo geskino liyok na uwang.

-Yene ke Yesusi so ibaysi mende mujusho na uwa, Yesusi so ibaysi zo geskino liyok na uwado.

-Yesusi kun ke ibaysiyech geskino liyok.

-Yesusi kun ke ibaysiyech reseto liyok.

-Yesusi kun ke ibaysiyech Set'ani ge liyok.

-Yesusi so ibaysi zo na uwado.